

鈴

山

堂

集

山堂集卷第十四目錄

詩

聖駕幸承天發京作

扈從次涿州

趙州

彰德六言

扈從見道傍梨花

河上歌

恭和御題漢江

恭和聖製初閱純德山喜而自得

有丘

長陵奉安 成祖尊號碑

扈從經九龍池

元日於 文華殿賜諭賜酒饌

之鬼口丞之河南

馬見應陽之陽字士見贈韻

又次甬川張少宰

和宗伯託翁兩宿浣花草堂

記象入室事

偶誦姑蘇蔡九達詩寄謝

贈王侍御按閩中

送劉節推之本郡

白貞夫皇甫子安二郎中謫官詩以贈之

再贈貞夫

書奏吟

待朝鮮使臣宴

贊治堂賞蓮次席間韻

湖少叅汝茂自楚藩以詩惠寄用韻酬之

吳給諫出叅藩政賦贈

贈劉以道僉憲之閩中

龔母壽詩爲諭德鳴治作

宮寮燕集詩

送華侍讀歸省

錢子中挽詩

早春送孫志高編修南還

送張濟甫提學

送曹際卿大叅

禁工部自南都來話舊述情

刑部楊郎中出守夔郡作詩贈之

贊治堂續賞荷之會有懷崔公後渠

鈴山堂集卷第十四

詩南宮葉

升菴楊慎評點

聖駕幸承天發京作

禁城鍾動啓金扉鳳輦時巡出帝畿黃紙特頒都護
勅緋羅齊賜從臣衣祥雲捧日浮丹仗芳樹和烟隱
翠微遙想江湘歡父老漢皇今覩沛中歸

扈從次涿州

此夕行宮駐六飛帳營星列滿郊圻雲峯積翠能隨
輦花雨含香故拂衣萬古風烟傳鹿野百年父老見

龍旂郢園陪從今 皇孝太覺甘泉賦獵非

趙州夜發

趙州城南騎火明鳳蹕鳴鑾中夜行揮鞭曉問邢臺驛一日還過百八程

彰德六言

十載乘輶此路而今扈蹕重過渺渺山圍鄴郡飛飛塵濁漳河

見道傍梨花

萬枝瑤雪倚風斜似浣明粧候 翠華日涉郵程春已暮今朝初見馬前花

河上歌

大明八葉聖人生曾見黃河水至清千年襄漢榮光
起此日風雲大駕行

汾水衣冠若景從千春稀事此時逢洪波浴霧樓船
發白日中流翔赤龍

靈河西上遠黏天鳳舸龍橋入紫烟周王圖馬浮川
地漢主風歌入沛年

恭和 御題漢江

郢州城西流漢江浮天玉練隱波光流虹貫渚成皇
瑞飛鳳迴岡作帝鄉

恭和 聖製初閱純德山喜而自得有序

嘉靖己亥春仲我 皇上躬巡楚服至于舊藩之
邸乃三月十有四日壬午恭詣純德山之陽瞻拜
神寢畢乃循山之脊而東尋徑歷阜以周視陵脉
地形于時 上御龍騎臣郭勛朱希忠崔元夏言
及臣嵩皆騎以從但見崇岡隱起疊阜盤互如龍
遊鳳躍蜿蜒抱護風氣完萃金城翠鬱黃屋丹瓦
輝映於青松碧嶂之間信天造之古壤也 聖情
孔怡喜而自得爰製五言古詩一章翌日出以示
臣等仰惟 皇上爲 二親之重勤萬乘之尊計

視山陵履荆榛冒暄日而弗以爲勞孝思純
千古帝王所不能及者而惟茲純德之山我先
皇帝龍藏之所安悅尊處幾二紀矣儲秀發祥顯
有徵應茲惟 聖斷慎重弗移蓋國家萬世無疆
之慶也 臣猥以禮官叨預扈侍謹拜稽恭和而謹
叙其事庶幾備紀錄以貽于永世云

恭覽周神寢廻徑歷羊腸伊昔著嘉名兆稱天子岡
勢連嵩華遠水遶湘流長蟠互丘巒勝榮休王氣昌
龍藏忽二紀松栢皆踰牆上帝悅明德眷此受命鄉
惟盤壯南服允作萬世防慎圖永弗移山祇告哲皇

鍾靈發禎應天定非人量河山亘終古孝德無遺忘
扈從謁長陵奉安成祖尊號碑紀事十首

九月二十八日

文祖長陵壓厚坤萬峯騰躍此峯尊重磨琬琰刊鴻
號八葉皇家有聖孫

縹緲仙城霄漢間鼎湖龍去若爲攀岡頭牽木橋頭
水曾見金輿駐碧山

忽上高樓凌紫氛俯看松柏渺重雲金書特薦千年
號御氣長成五色文

六陵秋色到簷楹萬壑雲風動地生白日魂搖寒起

累始知身伴赤龍行

是日侍上登明樓

恩從幄殿對回深訓慰從容示玉音孤跡豈知勞

聖眷忠誠那取替初心

感恩殿上諭曰卿勉盡忠誠勿介意

召臣嵩獨入對

人言嵩頓首謝

山南山北夜鳴鐃宿處星河傍紫霄飛將管門符號

令赤旗千騎影蕭蕭

松曉露寒巖徑僻乘輿忽駕欲何之悼陵園廟秋峯

裏聖主恩深一顧時

廿九日入日往陳后陵一說

上召五臣

向夕鳴笳下翠峯玉驄騎出御園松塵沙百里行應

盡丹鳳城邊聞曙鐘

上乘馬十里至紅門夜行達旦入京

露裘風帽夜深寒玉輦前頭對據鞍詔許五臣披暖
耳陽和真藉聖恩寬

甘泉騎火燭天來萬轂喧喧隱若雷玄武門開寒漏
徹都人爭候屬車迴

扈從經九龍池

九龍池上駐龍旂檜殿蘭宮鎖翠微日出綵霞籠瑞
氣霜迎黃鉞肅天威雲中羅逕千盤合谷口風泉百
道飛塵跡此中難可到况陪仙蹕奉恩輝

元日蒙召五臣於文華殿賜諭賜酒饌於殿
西廂霑醉而出恭述四絕

首領 元聖諭寶函擊出殿中開承恩特賜
金酒爵瞻天却舉盃

今年春日薦春觴共沐恩光近御床
頌擬椒花堪獻歲心同葵萼總傾陽

起草殿廬催入對喜看春色在揮毫
寒消墨沼龍香潤日上觚稜鳳闕高

聖主履端膺萬福起居先遣近臣知
正朝雲物偏佳勝試筆先裁祝聖詩

送魏中丞之河南

星軺建節赴南河嵩嶺橫雲洛水波
闕下絲綸親捧

詔澤中鴻鴈久興歌清霜更助臺威重化雨能敷聖
澤多此去願紆宵旰慮待歸鸞掖共鳴珂

恩賜麒麟服次儼山陸學士見贈韻

官衣擎出聖恩新雲錦輝裁五色麟敢以軒裳誇物
采極知魚水喻君臣文明有象方呈瑞和氣攸鍾本
配仁犬馬此身難報稱祇將詞賦振振

恩袍草色照人新組繡驚 角麟命服故應旌上

德寵光何意及微臣馴遊 徵王瑞衣被終身荷

聖仁留與南宮傳盛事後來名德價逾振

部卿前無
賜麟者

後賢

始云

又次甬川張少宰韻

淺薄何堪眷遇隆繡麟分出賜袍紅周郊遊處積祥
集殷筭頒時品式崇豈有文章裨聖治直於奔走策
微躬推衣未報君王惠結綬徒希國士風

和宗伯託翁雨宿浣花草堂

卧聽西巖風雨生草堂蕭颯一燈明並枝宿羽深愁
濕遶竹飛泉倍覺鳴仲蔚蓬蒿迷宅徑少陵花鳥入
詩情不知此夕陽春句誰和朱絃曲裏聲

記象入室事

仲春望夕陪祀宿內舍忽風象折戶突入卧內號

金川集 卷一 詩
叫躑躅勢甚危惡予默坐念程伊川渡漢江事良久象人來拽之以出幸以無恙因記于此

獨宿直廬逢象聞忽來入室遶床鳴平生危險更嘗通事合驚時亦不驚

猛象咆哮君合避只須屏息坐帷中漢舟幾覆心無怖記取程家主一翁

予昔卧病鈴山有終焉之志矣既而復玷朝籍不自意叨竊至今偶誦姑蘇蔡九達往年爲予作鈴山堂詩有他年玉帶歸山靈喜無媿之句感念其情因紀一絕併寄謝蔡君

瘡骨那堪玉帶圍在山心事出山違中郎有句能成
識泉石他年待我歸

贈王侍御按閩中

斧鉞下南天登臚望若仙觀風臨海嶠執法動星躔
遠道佳眠食當塗賴俊賢濡毫多逸興寄我武夷篇
送劉節推之本郡

遙向宜陽郡行瞻翼軫星雲程催逸駕霜刃發新硎
秔稻垂山郭旂楊臥訟庭送君鄉思集想見故山青
白貞夫皇甫子安二郎中謫官詩以贈之

二子南宮彥輝連瓊樹枝赤舞鳴玉地粉署握蘭時

金上片一
佐郡才何屈登途意轉遲臨分贈長劍持此慰相思
再贈貞夫時甫遷官秩遽有左官之命

聞禮稱才子含香作正郎所期趨鶴禁何意別鵷行
郡占山橫翠亭秋樹帶霜中朝昆李在宵夢憶連床
書奏吟

書奏南宮夜孤忠祗自憐此心惟報主何語可回天
驚力衰年後鴻儀遂古則誰知避人吏撫枕一潸然
待朝鮮使臣宴

文軌通函夏衣冠捧御筵萬方來貢日四海太平年
湛露承堯酒熏風被舜絃溫陪欣頌賞竊吹仰鈞天

二

御醴傾銀甕宮花剪絳羅夾衢陳警衛當席擁笙歌
化洽提封遠恩霑賜宴多還聞使臣語東海不揚波
替治堂賞蓮次席間諸學士韻各一首

南省清芬雨露邊徵歡來賞后池蓮即憑酒盞消炎
日最愛花枝拂曙烟名籍早爲同榜客衣冠齊列大
羅仙蕪葭顧我空形穢愧倚臨風玉樹前

右次詹事陸公儼山

向來雲臥鄴城邊纔得君王賜炬蓮誰擬著書忘歲
月尚看揮翰落雲烟舊栽桃樹非前主新着宮袍是

謫仙馬首獨歸情脉脉爲君惆悵晚花前

右次少詹事崔公後渠

春藕移栽近日邊花開不數越溪蓮光搖玉簟清無暑香逐金爐煖帶烟興至故應忘主客官閒真得似神仙懷賢合作甘棠看又落風神夢覺前

蓮爲公署部印所

種也

右次太子賓客張公甫川

盆池仙萼傍南宮綠樹涼生滿院風勝日琴觴邀上客清朝簪組盛群公近人海鶴閒過砌多事園蜂競遶叢暫喜近來曹務簡不妨相勸醉顏紅

右次少宗伯張公陽峯

胡少叅汝茂自楚藩以詩惠寄用韻酬之

鄂上春逢今忽秋年光真共水東流芙蓉遠道能相
贈瓊玖清詞不易酬觴對鶴樓人已遠文題蘭省石
還留期君共結明庭綬未向關河嘆阻修

君爲精膳
時嘗立石

題名爲
文以記

自笑茆齋映雪人謾披陳蠹學經綸幸於禮樂逢
明聖豈有文章動縉紳秉燭夜堂還草奏攬衣朝閣
更迎賓南宮故舊勞相問潦倒風塵白髮新

吳給諫出叅藩政賦贈

紫薇旌節旬宣地青瑣衣冠侍從年吳苑晝遊人似

玉楚帆西上水如天子年戀闕江湖遠召伯留棠惠

化傳題柱盛名今不淺海邦新勒使夷編

君奉使朝鮮其所著

作國人刻梓以傳

贈劉以道僉憲之閩中

南徼持風紀中臺輟俊賢拜恩分雨露執法動星躔
九派揚帆外三山攬纜前威傳風偃草操凜月行天
邪畏神羊觸喬懼谷鳥遷列城皆擁傳遙夜尚窺編
候館明丹荔靈峯肅紫烟舶通溟海客筵會幔亭仙
未厭飛蓬遠惟聽薦藁先臨分贈長劍揮手帝城邊

龔丹書詩爲諭德鳴治作

節銜恩重青鸞送喜頻
朧榮逢聖代獻壽及佳辰
才子當朝彥宮臣簡命新
龍頭魁殿選鰲禁得儒珍
幸昔熊丸訓芬芳俎豆鄰
關雎稱婉德蓁葉咏宜人
年喜稀齡屆天於景福申
仙丕凝露菊家饌膾江鱗
愛日情彌愜瞻雲意轉頻
裁詩寄南極遙祝鳳池濱

宮寮燕集詩

孟冬廿一日集燕詹府之堂卿保而下三十有三
人皆宮秩也尚書霍公實爲之主大宰許公首倡
紀會之作予輒嗣和焉

宮城佳氣鬱蒼蒼八座華裾照羽觴
夏室謳歌歡有

子虞廷入拜佇惟良筵開玉署蓬瀛裏地切金莖雨
露傍廊廟衆賢今彙進 帝圖皇曆自遐昌

古松寒柏對青蒼地主高情勸累觴聖世鳳麟爭睹
瑞崑岡璵璠總稱良門臨玉澗來天上樹擁金隄近
席傍淺薄豈堪塵寵秩也陪星履躡文昌

起瞻東震氣逾蒼盛會難逢更盡觴馮翼願同周士
吉股肱惟藉舜臣良晨趨劍佩鑪烟上書接威顏黼
座傍少海前星占國瑞天長地久祚時昌

送華侍讀歸省

渡江汀草發春色近庭闈况是神仙吏遙從霄漢歸

冷吹花氣襲宮衣舊日觀書處雲客在翠微
寒字中挽詩

抱志豈不廣其如值數奇山陽舊行處鄰笛使人悲
素簡留丹篋新花發故池何因慰滇滇拭淚一題詩
早春送孫志高編修南還

將母承俞詔還鄉羨晝遊草新迎擁傳波暖待維舟
忠孝傳家世文章軼俊流尚書遺烈在恩露滿松楸
送張濟甫提學

學憲從來重君當拔擢新簡書還自長鉛槧轉須親
秉燭儒臺夜停車越水春要令全浙士文體盡還醇

送曹際卿大叅

楚楚今藩伯星輶去若仙名高稱吏部境勝入湘川
江靜深含綠峯晴迥帶烟旬宜多惠政要使遠人傳
葉工部本道自南都來話舊述情因有此作錄
似葉君并寄謝南都諸故舊

吏散長安日杜門故人相見幾開導人情棘上青蠅
變身事池邊老鳳蹲閱盡世途惟自信別來幽抱可
誰論留都知舊勞相問渭樹江雲入夢魂

刑部楊郎中精于醫術嘗已予疾於艱壘茲出
守夔郡作詩贈之

其詩刺史專城貴爲惜佳人萬里行朝暮
朝暮經巴峽聽猿聲名山采藥烟霞迴
燕寢凝香几
清清衰病藉君留不住青精黃獨倍關情

贊治堂續官荷之會有懷崔公後渠次韻二首
畫省新荷綠滿池露紅重發最高枝因攀上客勞軒
蓋更續前題感歲時坐近風香開翠幌飲留霞色對
瓊卮妨賢此地能無愧回憶滄洲意轉遲

地靜宮城傳午漏樹深齋閣引涼颺還拚劇飲追河
朔每誦高銓出鳳池瑞露乍凝金掌重仙歌欲度綵
雲遲美人南國遙難並折贈無因寄所思

錄山堂集卷第十五目錄

詩

賜遊小山并金海泛舟至廣寒殿詩有序

恭和 聖製朝泛舟于金海

恭和 聖製中秋思 母歌

侍 上金海放燈

辛丑三月十七日直宿 無逸殿奉 旨同閣

老瞿公詳定進士試卷

詳定試卷 上命中官齋賜丁香花一枝并金

花筒簪之恭紀四絕

禱雨金海祠上香作

夜叩金海祠同五臣舟還

奉命永明殿先聖堂代拜

登憑虎山殿在永明殿之南巖洞甚奇

萬壽日賜宴內殿賜宮製彩花并栢葉一枝金

筒簪之

元夕侍宴幽風亭觀燈

壬寅正月

嘉靖壬寅三月四日直宿西苑時雨適澍上

召賜酒仁壽宮中恭述二章

勅賜禁中乘馬

太液乘舟

侍上登苑中閣

駕還仁壽宮
召入賜飲白酒兼賜時服緋羅

彩補

賜遊清馥殿

少師桂翁壽詩

桂翁壽詩同諸學士作

賜川扇

送太宰許公致政

送敕刑部兩浙慮囚

送錢刑部之四川

贈別張銀臺歸吳

直宿 無逸殿次少師桂翁韻

九日少傅相公集飲次席間韻

十日翊國太師京山都尉集飲用前韻

晚秋時菊盛開復有紅葵一株作花次韻儼山

學士

劉起之儀部出副閫憲有贈

送董子儀主事

送寇貞外陽之浙江僉憲

贈張長史時言

太子賓客張公母夫人九十壽

寄贈南大司成龔先生

看新曆自感

鈴山堂集卷第十五

詩南宮稿

升菴楊慎評點

賜遊小山并金海泛舟至廣寒殿詩

有序

嘉靖辛丑二月二十三日 上命勲輔及尚書

七臣同遊小山在 仁壽宮之西中官導引入清

虛門磴道盤屈鰲魔皆肖小龍文疊石爲峰巉巖

森聳恠奇不可名狀元氏故物也中官云元人載

此石自南至燕每石一淮糧若干俗呼爲折糧石

蓋務極侈靡近歲重葺一亭 上扁曰鑒戒亭取

殷鑒之義云亭中設櫺貯書上至以備覽攀磴陟山嶺曰清虛殿俯瞰都城歷歷可見山腰累石爲洞刻石肖龍水自龍吻出噴灑若簾其前爲曲流觀甃石引水作九曲流觴皆雕琢奇異布置神巧又南爲瑶景翠林二亭中架石梁通東西兩池金鱗遊泳其大者可尺許奇石錯列古木森蔚彌望乃往觀省耕亭上即隙地墾田督農耕之臨閱則坐此又鑿井灌畦爲井亭衆稱讚良久乃列坐松栢間享酒饌中官相與勸酬甚懽既又傳旨賜登舟泛金海往觀于廣寒山舟蕩槳持楫者

皆中使水光盪漾遠近亭殿隱現金碧交輝
身造瑤池弱水之間也舍舟登岸以陟廣寒之殿
絕頂巍峙高入雲漢山麓爲臺爲洞爲堆雲積翠
之坊周覽畢復賜酒饌坐松柏間皆醉飽而出群
臣莫不感恩懷德以爲希世之遇臣蒿何幸獲
預斯列謹各紀一詩而識其事如此云

清虛殿

皇宮西畔闕層丘別有天門洞壑幽玉樹金亭雲霧
裏年年此地奉宸遊

鑒戒亭

巖松總是和雲種湖石猶疑縮地來
聖主揭名存

鑒戒簡編時向此中開

水簾洞

玉龍噴水當幽洞飛下青巒注碧池
池中金鯉閑游泳聖澤長涵自不知

曲流觀

濺玉飛瓊出洞來巧穿渠石自縈迴
春來耐好浮花片爲進君王萬壽盃

瑤景翠林二亭

山連瓊島宜飛鳳水作金潭會濯龍
聖主經年罷

遊琪花瑶草若爲容

省耕亭

桔槔聲處起高亭新構宏規出聖情
歲歲柳陰晴日裏翠華來此看春耕

廣寒殿

差我臺殿倚層巔古木長雲上界連
太液無風開玉鏡時時飛翠落晴淵

金海

堆雲積翠岩堯巡王鰲金鰲死轉橋
坐倚古松宜賜宴醉臨盤石待回橈

恭和 聖製朝泛舟于金海二首

太液波澄曉鏡舒滿汀芳露濕紅蕖樓臺隱映移天
上草樹籠葱帶雨餘雲中扶輦來祥鳳蘋際隨舟躍
錦魚此日宸遊歌聖藻應知朝野共歡娛
龍舸中流四望舒水容波色浮仙槎紅搖錦繡千重
裏碧浸玻璃萬頃餘嚴畔青松停瑞鶴洲前翠荇觸
遊魚蓬丘閬苑非人境萬歲千秋奉聖娛

恭和 聖製中秋思 母歌

人間此夕逢三五皓魄堂空初過午玉宇瓊樓景色
佳誰道吾 皇心獨苦皇心獨苦兮應奈何對景傷

情兮念慈母慈母當年復且顧仙界一旦如乖
值中秋可嘯歌黯然昨夜生陰雨我皇感此重愴悽
欲捧瑶觴共誰語彷彿如瞻天上容徘徊尚憶生前
語六季吾皇真聖子聖子懸懸望母歸鳳輦龍輿日
幾歸直駕紅雲謁紫清紫清闔闔九門通玉几聲音
非杳冥恍然慈訓時時聆秋光春色有代換聖情痛
慕還無終長歌特製名思母至言歷歷流心腑絢目
昭回天地文仁民致治本親親皇風帝德過堯舜臣
拜稽首歌聖人

侍上金海放燈

紅燈焰焰水泚泚此夕真從天漢遊鸞簫鳳管鳴仙
吹錦纜龍旗引御舟

恍驚華渚流虹照宛是綏山駕鳳臺西人指點瑤池
上萬朶金蓮頃刻開

辛丑三月十七日直宿無逸殿奉 旨同閣老

程公詳定進士試卷遂命充讀卷官故事禮
卿不得預選蓋特命云

殿閣簾簾蟻炬紅題初拆御前封燕臺驪牡還求
駿禹穴風雷欲化龍直以文章需俊傑要將忠孝答
遭逢掄材自是台司事慚備春卿得濫從

詳定試卷 上命中官齋賜丁香花一枝并金

筒簪之恭紀四絕

麗色繁香簇絳霞中官擎賜御園花欲知簪處君恩
重看取金筒壓帽斜

宜春花裏丁香樹帶露籠煙錦作團不是天家親折
賜何因得借一枝看

御苑名花萬樹開重重金屋鎖樓臺忽報風香來滿
簪歡從天上戴春回

四十年前射策人晚遭明聖寵恩頻宮前手把花
枝看復似瓊林醉後春

禱雨金海祠上香作

石磴松林金殿開
禮臣恭捧御香來
聖主憂民望
甘澤龍官莫待玉符催

赤符仙篆下金波
燭焰爐香遶樹多
最是片雲將雨
至忽教吹散奈風何

寶淵金海是龍宮
水殿長吹夜夜風
何事老龍猶未
起不將霖雨代天工

夜叩金海祠同五臣舟還

宮前玉漏千門鎖
樹裏紅燈幾處張
祇役不辭舟路
遠廣寒山下月蒼蒼

秋風蕭瑟樹煙多綠水澄潭足菱荷離信夜深來太
液共搖仙艇坐星河

奉 命永明殿先聖堂代拜

永明頻代拜秋晨復此來燭裏金門啓松間寶殿開
香煙羅几席雲霧隱樓臺明祀崇群聖靈章出帝裁
登憑虛山殿在永明殿之南巖洞甚奇

峯殿鬱蒼蒼登臨近九霄曙煙籠闕迥殘月帶城遙
翔鳳金爲閣飛虹玉作橋乘輿罷遊幸花色爲誰饒
萬壽日賜宴內殿賜官製彩化并栢葉一枝金

筒簪之

酒開天甕綠醅濃帽插金花栢葉重願祝 聖齡如
此栢青青不改四時容

元夕侍宴幽風亭觀燈

壬寅正月

節值燃燈夜金宮賜御筵千年逢此席萬壽願齊天
瑞擁堦堦雪芳含花樹煙無窮太平曆長奉聖人前

二

霽雪動春容卿雲護九重翠華臨鳳闕火樹照鰲峯
應澤皇情豫深祥御氣濃承恩歌既醉稽首祝華封

三

金海開芳殿初春翠輦過九門通夕炬雙闕近天河

御酒垂玄渥宸襟洽大和共忻陪睿賞何幸沐恩波

四

蓬瀛開玉樹樓觀壓金鰲積霰臨墀淨華燈影殿高
瑞煙浮綵仗春色上仙桃齊獻南山壽筵前拜衮袍

五

絳蠟千枝鳳金橋萬道虹瑞雲華蓋上明月禁城中
鎬宴沾同樂堯年慶屢豐宸遊端可頌俚曲愧難工

嘉靖壬寅三月四日同敷輔五臣直宿西苑時

雨適澍上召賜酒仁壽宮中諭曰寒春

宵分召卿等飲一鍾朕手注之酒殿中少看

待雨畧住出銀鍾帶歸 聖恩隆渥前代所
未有也恭賦近體二首志感

春殿宵寒捧賜膠東皇時降雨如膏人間樂歲占麴
麥天上恩波醉碧桃度苑暗聞仙漏轉拂簾初識御
香高恭承示諭 皇情重此夕千年豈易遭

雨夜承明催入召親勞 御手注堯尊需雲湛露恩
同渥桂殿蘭宮景自溫盛事故須傳汗簡微生何以
答乾坤歸來更捧銀盃賜世世珍藏示子孫

勅賜禁中乘馬

天閑神駿 勅教騎長奉傳宣過苑堤因是翠華

露華近柳邊深隱不聞嘶

太液乘舟

蘭舟演漾水雲空花葉田田島嶼風棹入瓊波最深
處玉樓金殿影西東

孟夏初夕侍上登苑中閣

寶閣璇霄上重城鳳苑西聖容瞻更密天路到應
迷檻拂煙虹麗窓懸日月齊翠簾紅燭裏何幸得攀
躋

帝苑開金閣仙臺駐玉鑾山鄰飛鳳島路接會真壇
眺迥星辰滿憑高氣色寒叨隨六龍御真在五雲

端

駕還仁壽宮復召入賜飲白酒兼賜時服緋

羅彩補

上閣登初罷西宮勅又催香羅頰寄服玉醴酌天杯
魚鑰通宵啓金蓮伴醉回將何報明主竚立重徘徊

賜遊清馥殿

帝苑雲霞麗仙宮洞壑幽春生翡翠殿花滿鳳凰樓
瑤草迎宸蹕瓊波待御舟共傳今聖孝當日奉

慈遊

十里宜春苑金堤覆綠楊水涵瑤殿碧花簇錦亭
馳道通長樂離宮接建章微臣一何幸留賞沐恩光

少師桂翁壽詩

德以精靈降賢爲邦國珍商巖先夢說松嶽會生申
帷幄開黃閣冠裾上紫宸垂衣逢上聖調鼎寄元
臣溫室承顏密明光起草頻珪璋才獨擅魚水契無
鄰掀揭鵬圖大翱翔驚羽振泰階扶景曜鰲極握洪
鈞禮樂回三代絲綸暢八垠巖瞻擎國柱壽曆紀莊
椿佳節傳朱夏長庚耀紫旻恩波天上洽雲物望中
新履集南宮威觴連北斗醇美徵池浴鳳祥協綏隨

麟騎擁平沙曙花留綺席春王褒應有頌千載慶茲辰

桂翁壽詩同諸學士作

劍履從容漢殿東絲綸密勿禁闈中元台位極三公
貴大雅詞稱百代雄壽酒當杯分湛露薰絃應曲奏
南風蟠桃已熟三千歲麟閣真收第一功

賜川扇在西苑作

聖恩宣賜揮炎扇貢篚初從蜀國來忽引清風生玉
殿還擎寶月下瑤臺

錦江鸞扇鬱金香黃帕擎來近御床竊祿南宮無補

報年年頒賜沐恩光

太液池邊暑氣生
海榴英簇絳霞明
蜀王新貢金花箋
御苑傳呼賜禮卿

送太宰許公致政

宛洛風煙繫夢頻
賜歸今得自由身
三朝柱石收公望
兩世銓衡秉國鈞
辭闕祖筵歌漢傳
入關仙氣報秦人
極知感激君恩重
夜夜巖扉望北辰

送敖刑部兩浙慮囚

西曹冠蓋乘春發
白馬翩翩草色青
原隰光華持漢節
簡書欽恤奉虞庭
臺端秉燭頻看牘
湖上移尊暫

駐舫共說九天携雨露一時沾麗向東溟

送錢刑部之四川

使節初從東浙歸又看銜命下彤闈明經斷獄曾何忝擁傳還鄉倍有輝
北極星辰移益部層霄雷雨灑圜扉平反有奏還相寄遙睇江關朔鴈飛

次韻贈別張銀臺歸吳

離心不可極回首暮江濱滄海栖鷗鷺中朝惜鳳麟
山吟招隱句亭學草玄人還憶長安邸相過意每真

二

草閣東吳地清川白石潯看雲塵慮失對酒別愁禁

聖代多徵詔君才豈卧林滄洲瞻魏闕真有子牟心

直宿 無逸殿次少師桂翁韻

瀑直幽風殿焚香禱雨壇每勞宸諭數真沐聖恩寬
廣樂聞天近金莖逼露寒九重憂旱切瞻灑望雲端

二

日月開仙苑星辰拱帝壇晝陰猶自閣宸慮若爲寬
夜久天香靜風多水殿寒因題鳳池句花色起毫端
九日少傅相公集飲次席間韻

上相肯迂蓬巷轍佳辰聊薦菊花杯中台瑞氣龍葱
合南谷霜英爛熳開謾引綵毫珠玉在緩歌金縷管

絃催共言休沐皆君賜秉燭留歡未擬回

十日翊國太師京山都尉集飲用前韻

太師國戚俱尊寵此日能同濁酒杯節過重陽芳菊
在堂臨西郭古槐開爭誇座上金貂貴莫問樓中玉
漏催更喜捲簾明月上艷歌聲裏舞行迴

晚秋時菊盛開復有紅葵一株作花次韻儼山

學士

久客長安即似家秋深開遍一庭花幸逢枉駕同星
聚便擬携尊坐日斜興到總宜揮藻翰語闌因任落
爲紗菊芳蘭秀俱堪愛長爲佳人感物華

小堂幽學野人家天上朝回日對花最愛老蒼當
亦可勝芳菊遶欄斜風香送筆濃薰玉霜影臨窓巧
映紗書報所知頻悵望莫將心賞負年華

劉起之儀部出副閩憲有贈

春明斧鉞下青霄海國花深擁使貂得路驂騮標格
健乘風鸞鵠羽翰遙能將藻思饗三禮却假霜威布
六條願有至言來助我自慚無補聖明朝

送董子儀主事

鳳凰樓閣隱金扉羨爾含毫近紫微已信長鯨橫碧
海更看雲錦出天機星軺奉使榮何忝彩服寧親願

不違借問海山南去鶴乘風早向帝城歸

送寇員外陽之浙江僉憲乃父昔守寧波也

宿昔侍嚴駕却駐海州城今來持憲簡重問浙鄉程
政憶留棠舊名看擢桂榮珪璋懸世望鴻鷺列朝英
車接熊幡貴冠義豸角明驛花迎擁傳湖水照揚旌
行部遺黎識觀風宿蠹清曉裝凌霧重春勗壓波平
蘭署含香地旗亭惜別情臨分何以贈努力振家聲

贈張長史時言

魯衛親藩大衡廬楚道長除書登國傳歸棹指江鄉
仙輿濃湛致家音近易將河間今禮樂陪從有

翰苑張東白先朝望獨尊百年喬木里儒業有諸孫
簪組恩華繼文章大雅存贈言情繾綣曾出李膺門
太子賓客張公母夫人九十壽

得見萱齡躋九袞佳辰壽宇若爲歡官眉祿養堂開
玉天語恩褒誥捧鸞海熟蟠桃忘歲月院深慈竹報
平安庭闈樂事中朝美忠孝榮名百代看

寄贈南大司成龔先生

詞林雋譽重珪璋師席居賢國倍光學館化行周胃
子制科名起漢賢良絃歌夜對金陵月袍袖春攜玉

殿香欲寄別懷增悵望海雲江樹故微茫

看新曆自感用韻

此身夙夜但惟寅又見彤庭授曆新
楚嶠憶家頻過歲燕郊吹律早知春
君恩天地應難報世事陰晴未足嗔
年去桑榆欣自暖夢餘蕉鹿勘誰真

鈴山堂集卷第十六目錄

詩

詔賜金海乘涼詩十首

恭紀 恩賜詩二十九首

再奉 旨金海乘涼舟泛和京山太傅

奉和桂翁 無逸夜直之作

帝壇入拜

奉酬岱屏都尉

早入承天門見鴉次韻

東閣閑庶吉士卷簡同事諸先生

金華集 卷二 金
無逸殿直舍和少師公韻

禱雪直宿死中奉 詔詣都城隍祠行香以子

夜將事

海天春曉圖歌

步虛詞

贈童內方庶子

送許龍石少宰之南都

奉次少師桂翁 賜宴紀恩

再次桂翁鄉會即席韻

甬川張公閱僕舊作繆荷 重次韻爲謝

寄贈楊溪主銷

卷之七

楊溪主銷

一

鈴山堂集卷第十六

詩南宮稿

升菴楊慎評點

詔賜金海乘涼詩有序

嘉靖辛丑六月二十六日勲輔四臣同尚供事西苑直宿無逸殿時溽暑蒸煥上命中官導五臣每以巳末申前於金海邊乘涼是日出迎和門登舟泊水雲榭觀臨漪亭入椒園至崇智殿畫棟雕甍金碧輝煥蒼松翠柏盤鬱垂蔭不復知有暑氣明日由趵臺坡陟昭和殿又經樂成殿

觀稼亭又明日往觀于太素清馥二殿歷寶
月會景秋輝涵碧諸亭每至一所擇茂蔭授几而
休焉時荷花盛開雲錦極目澄澈倒影恍然如在
蓬萊仙境也伏自思念離宮秘苑非凡跡所至荷
蒙皇上寵恩之厚今春二月既賜遊小山茲
復賜遊金海連日汎流經壑以遍歷內苑之勝
遭逢之盛在古鮮儼誠何幸而得此也忻感之餘
恭賦近體詩十章以識其盛而境物繁鉅應接不
暇愧紀不能悉云

木陰深靜鳥聲和溽暑全消爽氣多太液池頭夜裏

雨微風新綠水增波

百尺含風清暑殿千尋積翠廣寒宮
颼颼涼意知何許盡在鳴蟬萬木中

長松影裏頻移席紅藕香中謾駐橈
玉殿金亭來避暑若非緣福也難消

翠木陰陰碧水涯渚風汀日淨雲沙
長安萬戶炎蒸裏始信瑤臺是帝家

椒園臺殿鬱嵯峨別有重巖隱薜蘿
坐久不禁清徹骨水雲寥闊樹風多

觚稜照日山蔽殿鑑影沉煙柳拂堤
蘆葦叢深丹忽

到水禽驚起遶林啼

趨臺坡轉石林斜更覺清涼一倍加靜聽鳴鶯升別
樹遠看栖鷺立浮槎

樓臺一一明如畫水樹重重靜若惟人意願同天意
樂文王臺沼本無私

高松碧殿陰陰覆曲水金亭宛宛開竟日攀臨知未
盡萬花深處一舟迴

水邊龍艦金屏護樹裏虹橋翠幃過歸去莫言天上

事蓬

闕渺星河

恭紀 恩賜詩

嵩荷蒙 聖眷便殿召對西苑宿直借軟輦五
其果茗酒饌天厨日給金幣器物尚方珍賜不可
勝紀間紀數事得近體詩二十九首

賜玲瓏雕花玉帶

積素含輝雪色明尚方寶帶琢瑤瑛殿庭賜處
恩重光價竄論十五城

賜金織蟒服

官恩宣賜蟒衣新玉帶金章併在身度德自知難稱
服遭時深幸得攀鱗

賜金嵌寶石斗牛絲環

寶環分賜黃金爛珠顆勻圓石瑰奇如龍水獸疑騰
躍什襲尋常不敢窺

喜雨賜飲酒又 皇女生賜白金彩幣

直宿殿廬聞好雨四郊沾足慰宸心承恩既醉官
壺酒逢喜還分御帑金

賜香

賜來龍掛御奩香焚向齋廬坐夜長人間塵暑俱消
盡身在鈞天玉案傍

賜五味湯 寢宮垂花簾下飲之

中侍高擎五味湯垂花簾下賜沾嘗如何說得天漿

味喚初生涼齒頰香

賜酒饌瓜果等物中官日給勅免具謝

翠甕分醪山上尊玉盤傳膳給朝飧甘瓜脆果頻頻
賜勅遣諸臣免謝恩

賜花金筒簪之丁香零苓香草萬年松凡三被
賜

丁香折得宮園馥苓草移來楚澤春青愛萬年松色
好君恩又見一回新

賜畫扇二十四孝人物

宮扇新裁素楮清丹青仍肖古人形揮仁要滌寰中

金上...
暑勸孝還同座右銘

賜南窗一枝

太液浮舟花滿池
曉紅芳濕露濃時
雲錦萬叢誰敢
折特荷金荷賜一枝

賜畫扇有木刻海榴罌墜子一罌可寸許穴其

腹藏象刻物器一百事工巧異甚

燕士刻猴能集棘藝稱工巧古難之請看扇墜木罌
子百什中藏物物奇

賜畫扇有水精蟬墜子

玄蟬戢羽不聞聲
彩扇繚繞刻水精
玉露清風俱入

手不知長夏有炎蒸

賜 睿宗皇帝御書大字八音克諧天光雲影
於 文華殿面授

灑翰含春

舊邸堂名

睿墨存奎光虹彩照乾坤已欽典樂

虞廷訓還誦真儒喻道言

一賜渾銀盤一

冰同潔白玉同堅若比蟾光亦爛然叮嚀莫謾題生
菜元奉瓊羞在 御筵

賜 御製朝泛舟于金海詩一軸

錦軸瑤籤捧御書樓船秋日泛龍池吾

君不事橫

分樂爲憶 慈遊轉益悲

賜 皇祖御註道德經一部

道德真文授五千至人曾憶度關年
金函玉宇 高
皇註萬古神謨日月懸

賜銀套杯六小大各異以禮樂射御書數字別
之

銀質金書六字文酌時隨量淺深分貴同玉瓚咸爲
寶德比醇醪飲自醺

賜刻花合香牌子

合香牌子黃金縷佩向衣間
鵲異分宮中總愛宜夏

下雙孩是刻文

賜葫蘆畫八幅

水榭煙雲列畫屏良工高殿寫丹青內家每愛葫蘆樣寶玩時時對寵靈

萬壽日賜喫麵青磁龍盃盛之

仁壽宮中稱萬壽仰瞻天表祝華封
旨傳賜喫長生麵捧出蟠花御盃龍

賜金箱奇南香帶

奇南作帶赤金箱鈎繫雙螭白玉光出自崑岡呈寶氣束當朝署散天香

賜獨角獸補子

獸名獨角狀猶龍彩補愿頒組繡工疑有風雷起鱗
甲擘雲翻浪欲騰空

賜御用藥煮酒一瓶

御醴芬香味獨珍一壺宣賜殿頭春功可益元存麴
藥藥能祛疾備君臣

賜御藥如意飲五貼 諭曰能治百病以八月

望日修合

按得千金御藥方合時分取桂輪香 聖人一體
臣義百病祛除保壽康

賜騫林茶黃精笋尖皆武當山中所產

綠茗黃精下筍罌遠從湘水貢 王庭沾嘗一一皆
仙品露乳煙姿孕嶽靈

賜銀豆

白金鎔鑄能爲豆百顆勻圓白雪同若爲種在南山
下乞與民間作歲豐

賜銀八寶亦曰八吉祥錠勝珊瑚犀角珠子名
狀各異

忽驚海藏遺珍貝見說宮中號吉祥因是玉皇朝絳
闕天花片片落霓裳

賜嘉靖錢撰文賞也

新鑄青銅嘉靖年 聖恩頻給撰文錢原非萬選詞
林手滿囊持歸一赧然

賜貂鼠煖耳祀 玄極夜寒也又謁 陵騎從

再賜

扈蹕監祠夕殿中滿衣星露滿墀風春融爲我消寒
列貂帽深恩被紫茸

七月十六日再奉 旨金海乘涼舟泛和京山

太傅

傳宣再許內園遊避暑龍池暫放丹莖草花連千嶼

錦檣桐葉報六宮秋便思解綬親魚鳥却恐浮槎犯
斗牛涉比巨川期共濟恩同滄海歎難酬

奉和桂翁無逸夜直之作

無逸今宵直還依紫禁高大官頻給膳中使特頒醪
坐久銷鑪篆寒深益毳袍廣庭霜月淨玉兔見秋毫

二

鳳閣詩頻出陽春調自高苑花催染翰官月對傾醪
學士金蓮炬仙人獸錦袍起居勞聖問賜札帝親毫

帝壇入拜次前韻

卷一

施轉冷風肅壇開紫炁高竹宮燔制幣瑤席奠仙醪
月色遙臨伏天香細入袍中央居太乙五色現靈毫

奉酬岱屏都尉

直廬宵命酌都尉興能高主第珍移饌官壺玉賜醪
地嚴聞警蹕情洽聚冠袍文雅今誰敵詩成縱彩毫
早入承天門見鴉次韻

喧鴉爭入帝城飛映霧翻林颺曙暉宮女乍聞驚夢
起省郎紛逐散朝歸聲傳萬井含鐘杳影落千門帶
月稀還向昭陽自來去綠窓凝望重依依

東閣閱庶吉士卷簡同事諸先生

東閣掄材奉詔同禁庭佳氣靄雲虹御題捧出綸言
煥筆陣驅時白戰雄光動夜濤珠出海暖回春死鳳
來桐太平休遇知難報願得真賢答聖衷

無逸殿直舍和少師相公韻

儼直承明幸接廬內房新賜更移居大官日逐頒饗
饌中使時常給掃除御案絲綸開玉札上清文字理
金書分明身到鈞天上傳和仙歌白雪餘

燈燭通宵見禁廬霧窓雲閣近宸居瑞煙入座香浮
苑寒影窺簾月到除緱嶺乍聞丹鳳吹穀城先訪赤
松書歸來未向人間說天語親承燕對餘

禱雪直宿苑中奉

詔詣都城隍祠行香以子

夜將事

燈火中宵出死西寶香龍札 帝親題北陰朔氣催
瓊雪上界真符煥彩霓市靜斗星還歷歷祠深松柏
故淒淒九重此夕憂民意銀漢瑤光望轉迷

海天春曉圖歌爲桂翁作

頽霞紫炁搖青葱曦輪湧出扶桑東
鼉鼉騰掀巨鰲踊光彩下燭馮夷宮
洪波浩蕩浮元氣浴日涵空莽
無際碣石晴吹萬里風方壺曉落中天翠
是時青陽宣德澤千巖衆壑皆春色
天桃露嶼絳欲迷芳草煙

下綠堪折懸泉挂壁古松青香霧環洲桂樹榮島嶼
淑舶雲中見漢柱秦橋天際橫別有仙臺杳靄間丹
崖翠谷渺難攀月關崑崙是凌五嶽銀宮晃耀出三山
紫芝瑤草紛開謝鶴馭虹旌自往還中有仙人毛骨
輕還丹玉液鍊初成朝騎白鹿過玄圃夕嚙金精住
赤城我本丹丘生骭髀山澤形混迹縻塵網束書遊
玉京蜃市觀溟遠夙願麟洲採藥負初盟誰將縑素
寫雄觀令我一見心眼亂髮髯乘濤泛太瀛便欲凌
風生羽翰主人幽思在雲煙黃扉退食心悠然鴻鈞
已屬調元手花甲初逢獻壽年年獻壽奉瓊筵大

金仙隱金闕
隱金門是列仙日採芙蓉朝
帝闕還看渤海變桑田

步虛詞

高高黃金闕隱隱白玉樓中有虛皇居華景陰丹霄
朱陽洞明境青炁散空寥寢寐思真域但覺形神超

二

絳宮吸靈氣玉訣飛天罡翕爾生光電依然躡洞陽
赫奕三皇籙燦爛九霞章飛神朝玉闕羽蓋凌扶桑

三

振佩入瓊都雲扉是幾重鸞情依日觀鳳想結霞峰

不瑩澄真識心齋清道容五色金光發相將隨
四

凌晨吸丹景入夜漱玉泉百關彌舒曠靈臺復湛然
冥思玄霄上馳神玉闕前無勞生羽翼自可揖真仙
贈童內方庶子

賜歸乘傳倍恩光水綠山青入楚鄉驛路草齊吟駐
馬渚亭花發醉留鴈誠知筆裏驅雲夢早向池邊識
鳳凰望苑賓寮應共待好持經術輔元良

送許龍石少宰之南都

香案携經直九重留曹聊復借高蹤渡江風送仙舟

鵠望闕雲蟠帝宅龍東郡掃松還駐節北書將橘謾
題封舊遊回首難忘地坐倚修篁夕翠濃

南吏部後堂有竹一

林予昔領此曹憇之故云

奉次少師桂翁 賜宴紀恩

鳳麟瑞世真賢出日月光天景運開身輔虞廷興禮
樂手調商鼎到公台賜筵玉醴頻繁迭褒詔龍箋煥
爛裁盛典 本朝曾幾見百寮回首歎臣哉

聖朝褒禮重元臣南省衣冠慶此辰農野氣和初得
雨帝城花滿牋留春玉堂黃閣勲膺盛翠金銀罍賜
澤新歷考中書誰似者直從郭令到公身

再次桂翁鄉會卽席韻

德星明處畫堂深
咫尺煙霄喜盍簪
聖競瞻阿閣鳳得賢寧羨隗臺金
西江文獻元稱盛東里勲名復見今
瑤瑟夜歌催逸興彩毫春色動高吟

滿座春杯豈厭深
百年嘉會此冠簪
却慚葭質叨依玉永荷洪鑪得鑄金
廊廟聲華公振古虞周禮樂聖逢今
吹噓幸接南宮席潦倒空贛下里吟

帷幄謀謨帝眷深
殿頭鳴玉領纓簪
看來錦繡官裁蟒捧出駢蕃
御賜金促召每聞忙入夜留懽
得暇逢今已陪魚藻霑恩宴更惜鶯花洽醉吟

甬川張公閱僕舊作繆荷獎重次韻爲謝

老來虛愧度芳辰童子曾矜得句新
賜帛幾人論將相荆公語雕蟲當日費精神
鏡中短髻頻添雪陌上縈衣謾化塵
蒲柳體資山澤興敢窺時傑畫麒麟

寄贈槎溪王翁

問訊金陵河上居別來風景復何如
群鷗自占溪翁席駟馬能停省客車
雲樹江東頻入夢寒鴻天北漫題書
極知泉石身閒樂不向中朝羨佩魚
遠別無因問起居開函初喜得雙魚
鏡中華髮年何似湖上扁舟晚自如
身健底須求大藥眼明猶復

殘書近聞欲返棲溪棹故里雲山示有餘

山陰集卷第十六

山陰集卷第十六